

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-551/16
Lukavac, 09.05.2016. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-551/16 od 05.05.2016. godine u otvorenom postupku javne nabavke za izgradnju ulične rasvjete u MZ Prokosovići (Torine) Općinski načelnik d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 02-05-551/16 od 05.05.2016. godine i Ugovor za javnu nabavku radova za izgradnju ulične rasvjete u MZ Prokosovići (Torine) dodjeljuje se ponuđaču „ARCADE“ d.o.o. Tuzla, ponuda broj: 021/16 od 29.04.2016. godine, za ponuđenu cijenu u vrijednosti od 14.306,25 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12. od a) do d) i originale ili ovjerene kopije dokaza traženih tačkom 13.2.2.a) Tenderske dokumentacije broj: 02-05-551/16. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-550/16 od 07.04.2016. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 20.000,00 KM.

Obavještenje o nabavci broj: 719-1-3-27-3-18/16 objavljeno je na Portalu javnih nabavki dana 07.04.2016. godine.

Komisija za provođenje postupka nabavke imenovana Rješenjem broj: 02-05-588/16 od 12.04.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-551/16 od 05.05.2016. godine, Preporuku o izboru najpovoljnijeg ponuđača broj:02-05-551/16 od 05.05.2016. godine i Izvještaj o radu broj:02-05-551/16 od 05.05.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo neblagovremeno primljenih ponuda;
- da su ponude ponuđača ARCADE d.o.o Tuzla i HASANAGIĆ d.o.o Banovići kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.
- da se ponuda ponuđača „KALELEKTRIK“ d.o.o Živinice odbacuje na osnovu člana 68. stav (1) Zakona o javnim nabavkama („Službeni glasnik BiH“ broj:39/14). Isti je na strani 6. ponude priložio kopiju diplome za Šljivić (Hasan) Fehima, dipl.ing. elektrotehnike koja nije originalno ovjerena od strane ovlaštenog organa, već je ovjera iste skenirna, tj. na istoj se ne nalazi originalni pečat Službe za opću upravu, društvene djelatnosti općine Živinice i potpis ovlaštene osobe navedene Službe.
- da se ponuda grupe ponuđača „BREND Co d.o.o Tuzla i WORK d.o.o Bijeljina“ odbacuje na osnovu člana 68. stav (1) Zakona o javnim nabavkama („Službeni glasnik BiH“ broj:39/14). Isti su uz ponudu za Milana Aresenića dipl.ing. elektrotehnike dostavili ovjerenu kopiju diplome, ovjerenu kopiju uvjerenja o položenom stručnom ispitu i Ugovor o angažovanju. U ugovoru je navedeno da se isti angažuje za potrebe obavljanja poslova na održavanju javne rasvjete i da je ugovor zaključen dana 29.04.2016. godine, a da se angažman odnosi na period od 01.05.2015. godine, te se iz istog nije moglo tačno utvrditi u kom se vremenskom periodu isti angažuje, obzirom da se datumi navedeni u ugovoru ne poklapaju, kao ni posao za koji je dostavljena ponuda. Kako se u konkretnom slučaju radi o poslovima izgradnje ulične rasvjete, a ugovor o angažovanju se odnosi na poslove održavanja javne rasvjete, Komisija nije mogla utvrditi da li se dostavljeni ugovor uz ponudu o angažovanju radnika odnosi za izvršenje posla za koji je raspisan postupak javne nabavke. Isti su uz ponudu priložili i kopiju diplome i rješenja o sticanju ovlaštenja za izvođenje i nadzor nad izvođenjem, elektrofazna, instalacije jake struje i elektroenergetskih postrojenja za Vladislava Popovića, dipl. ing. elektrotehnike. Kako ni za jednog od gore navedenih inženjera pored dostavljenih dokumenata nije priložena ovjerena kopija radne knjižice, a što je traženo tačkom 13.3.2. a) tenderske dokumentacije, Komisija je ponudu odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 20.000,00 KM i da je kriterij za dodjelu ugovora najniža cijena.

Ponuđač „ARCADE“ d.o.o Lukavac dostavio je prihvatljivu ponudu sa cijenom u iznosu od 14.306,25 KM bez PDV-a, koja je u odnosu na kriterij za dodjelu ugovora rangirana na prvo mjesto.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav

(2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. KALELEKTRIK d.o.o Živinice
2. ARCADE d.o.o Tuzla,
3. Grupa ponuđača „BREND Co d.o.o Tuzla i WORK d.o.o Bijeljina“ ,
4. HASANAGIĆ d.o.o Banovići
5. Evidenciji i
6. Arhivi.-



OPĆINSKI NAČELNIK
Dževad Mujkć, dipl. prav